

1633. Il vero alid etiam subditi sponte offerunt.

tis tua nomine Nobis nuper expositum fuit, subditi tui Regni Sardinie in comitiis generalibus animadvertentes, eandem majestatem tuam pro fidei catholice in Belgicis Ditionibus defensione gravissimis assidue sumptibus urgeri, quadringentorum millium scutorum subsidium spatio quinque annorum, octuaginta millium videlicet pro quolibet anno persolvendum pro causis in præsertis Literis expressis majestati tue oblatum, & per Nos approbatum, ut præfertur, ad decennium, octuaginta millium scilicet scutorum pro quolibet disti decennii anno, in certis terminis, ac modo, & forma tunc expressis, seu exprimendis exigendum de novo majestati tue obtulerint, seu illud ad decennium hujusmodi extendierint, & prorogaverint ad effectum manutendi in distis Belgicis ditionibus propter bellum contra hereticos, & fidei catholice hostes, unum tertium militum Sardonum nuncupat, seu nuncupan, ac Ven. fratres Archiepiscopi, Episcopi, & relique persone ecclesiastice, qui in eisdem Regni comitiis interfuerunt, in solutione subsidii eidem majestati tue, ut præfertur, de novo oblato, seu extensi, & prorogati pro eorum rata, nostro, & hujus sancte Sedis accedente beneplacito, concurrere, similiter promptè, & libere obtulerint, & promiserint.

Quod Rex apostolica pete auctoritate roborari.

§.3. Ex eo autem quod per Lateranen. Concilium novissimè celebratum, diversasque alias canonicas sanctiones sub diversis censuris, & pœnis cavetur expressè, ne Reges, Principes, & alii seculares Magistratus ab Archiepiscopis, Episcopis, Abbatibus, & aliis personis ecclesiasticis etiam sponte offerentibus, aliquam pecunia summam, sive subventionem exigant, seu recipiant, majestas tua, & tui illius Regni ministri dubitent, ratam prædictam recipiendo, censuras, & pœnas prædictas incurrere, & forsitan incurrisse; & propterea pro tua majestatis, & ditionum ministerum quiete vobis humiliter supplicari fecerint, quatenus præmissis nostram, & hujus sancte Sedis auctoritatem interponere dignemur.

Annuit Urbani.

§.4. Nos attentis præmissis, supplicationibus hujusmodi inclinati, spontaneæ oblationi per Archiepiscopos, Episcopos, & alias ecclesiasticas personas prædictas factæ pro hac vice tantum nostram, & diste Sedis auctoritatem interponimus tenore præsentium pro manutentione Tertii Militum Sardonum nuncupan. in Flandria, & propterea Archiepiscopis, Episcopis, & aliis ecclesiasticis personis prædictis subsidium, donativum extraordinarium nuncupatum hujusmodi, per eos, ut præfertur, sponte oblatum, & promissum persolvendi, ac tue majestati, & tuis ministris illud petendi, recipiendi, exigendi, & levandi, absque conscientie scrupulo, seu censurarum, & pœnarum prædictarum incursu libere, & licite possint, apostolica auctoritate, eorumdem tenore præsentium licentiam impartimur, & concedimus,

ipsoque Archiepiscopos, Episcopos, & alias personas ecclesiasticas, & earum singulas, quatenus ipsi, dictam ratam jam promiserint, aut solverint, nec non eandem majestatem tuam, & tuos ministros prædictos, si eandem ratam jam perceperint, ab omnibus, & singulis censuris, & pœnis per eos propterea quomodolibet incursis, auctoritate, & tenore prædictis absolvimus, & absolutos fore censemus, & declaramus.

Contraria tollit.

§.5. Non obstantibus præmissis, ac quibusvis constitutionibus, & ordinationibus apostolicis, nec non Ecclesiarum, Monasteriorum, & Beneficiorum hujusmodi juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, exemptionibus, immunitatibus etiam in corpore juris clausis, & Literis apostolicis quibusvis generaliter, vel specialiter concessis. Quibus omnibus, & singulis, eorum omnium tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Conditiones nonnullas Regi scribit.

§.6. Volumus autem, ut quandoquidem hoc subsidium prius pro defensione Regni Sardinie oblatum, & applicatum fuerit, in eventum necessitatis præfati Regni seu Insule Sardinie contra Piratarum, & infidelium invasiones, & incurSIONES, majestas tua supplere teneatur; & quatenus majestas tua non suppleret, tunc iidem Ecclesiastici non debeant, nec cogi possint contribuere pro manutentione, seu defensione Regni, seu Insule Sardinie adversus prædictas invasiones, & impositionem persone ecclesiastice disti Regni a solutione, & exactione similium pecuniarum omnino abstineant: quodque pœnitentiam, quam pro præmissis quavis confessorius ab Ordinario approbatus illis, & eorum cuilibet duxerit imponendam, adimplere omnino debeant: quodque distributio, repartimentum, ac tasatio, & exactio rata hujusmodi a personis ecclesiasticis in comitiis hujusmodi ab eisdem ecclesiasticis forsitan deputatis, aut in eorum defectum ab Ordinariis locorum, seu a personis ecclesiasticis ab ipsis Ordinariis deputandis dumtaxat fiat, ac ministris laicis ad effectum præmissum, & pro summa prædicta tantum consignetur, alias eadem præsentibus nullæ sint eo ipso.

Transumptis credi mandat.

§.7. Nec non quod præsentium transumptis, etiam impressis, manu Notarii publici subscriptis, & sigillo persone in dignitate ecclesiastica constitutæ munitis eadem prorsus fides in Judicio, & extra adhibeatur, quæ ipsis præsentibus adhiberetur, si forent exhibitæ, vel ostensæ.

Dat. die 26. Junii 1633. Anno X.

Datum Romæ apud S. Mariam Majorum sub Annulo Piscatoris die 26. Junii 1633. Pontificatus nostri Anno X.

Indul.

Indultum Regi Catholico, & Clero Regni Sardinie recipiendi, ac respectivè solvendi solitum donativum.

Ex Regest. in Secret. Breu.

Dilectis filiis universo Clero Regni Sardinia.

URBANUS PAPA VIII.

Dilecti filii salutem, & apostolicam benedictionem.

Facti series.

§.1. Exponi Nobis nuper fecit charissimus in Christo filius noster Philippus Hispaniarum Rex catholicus, quod occasione Parlamenti, quod singulis certis annis in Sardinia Regno ad communem illius utilitatem convocari solet, necessaria quedam expensæ sustineri, & subsidia præstari consueverunt, in quibus supportandis ecclesiasticæ quoque persone, prævia hujus sancte Sedis licentia, ab inmemorabili tempore citra semper contribuere solita fuerunt. Et quia expensæ prædictæ hactenus creverunt, subsidia quoque prædicta in parlamento proximo celebrato ad summam in totum centum, & quinquaginta millium ducatorum adscendentia, præstita fuerunt, Quare idem Philippus Rex nobis humiliter supplicari fecit, ut tam suæ quam vestrarum conscientiarum securitati in præmissis consilere de benignitate apostolica dignaremur.

Facultas, de qua in Rubrica.

§.2. Nos igitur hujusmodi supplicationibus inclinati, tam eidem Philippo Regi, ut subsidia, & contributiones prædictæ per vos solvenda exigere, sive exigi facere, quam vobis, ut illa juxta solitum, & consuetum solvere libere, & licite pro una vice tantum possitis, & valeatis, apostolica auctoritate, tenore præsentium, concedimus, & indulgemus.

Obstantium derogatio.

§.3. Non obstantibus apostolicis, ac in Universalibus, Provincialibus, & Synodalibus Conciliis editis generalibus, vel specialibus constitutionibus, & ordinationibus, ceterisque contrariis quibuscumque.

Dat. 27. Junii 1633. Anno X.

Datum Romæ apud S. Mariam Majorum sub Annulo Piscatoris die 27. Junii 1633. Pontificatus nostri Anno Decimo.

Concedit facultatem Generali Minimorum supprimendi Conventus tenues, eorumque bona in Conventus majores transferendi, cum oneribus annexis.

Vide de his Fratribus in Const. LII. Ut ca. Tom. V. Pars. V. fol. 218.

Dilecto filio Correctori Generali Ordinis Fratrum Minorum Sancti Francisci de Paula.

URBANUS PAPA VIII.

Dilecti filii, salutem, & Apostolicam benedictionem.

§.1. Cum sicut Nobis nuper exponi fecisti, in visitatione tui Ordinis Minorum Sancti Francisci de Paula per te hactenus facta compereris, & in dies comperias, nonnullos ipsius Ordinis Conventus adeo pauperes, & tenues existere, ut spes nulla sit illos unquam ad formam Conventuum reduci, minusque eorum Religiosorum numerum, qui per Constitutiones Apostolicas pro Regula ejusdem Ordinis observantia, divinique cultus servitio præscriptus existit, in eis sustentari posse, quin etiam Conventus hujusmodi in observantia regularis, ac disciplina relaxationem, totiusque Ordinis hujusmodi decedat, & ruinam esse prolapsuros noscas, & experiaris, & propterea tibi de infrascripta facultate per Nos provideri summo-pere desideres.

Motiva hujus Condit.

§.2. Nos de fide, virtute, prudentia, & diligentia tua plurimum in Domino confisi, necnon Conventuum hujusmodi situationes, confines, qualitates, eorumque fructu reddituum, & proventuum veros annuos valores præsentibus pro expressis habentes, supplicationibus tuo nomine Nobis super hoc humiliter porrectis inclinati, de venerabilium fratrum nostrorum S. R. E. Cardinalium negotiis Regularium præpositorum consilio, tibi, ut Conventus tenues hujusmodi, facta per Ordinarios locorum eorum Ecclesiarum profanatione, sive Confraternitatibus, vel aliis locis piis applicatione, eorumque onerum, ut infra, translatatione, supprimere, & extinguere, & eorum bona quæcumque majoribus Conventibus perpetuo unire, & incorporare, & ad ipsos majores Conventus, quibus bona hujusmodi unita, & incorporata fuerint, onera etiam ipsorum minorum Conventuum transferre, ac si magis utile Ecclesiis futurum judicaveris, bona hujusmodi, vel eorum partem vendere, permutare, aut alias alienare, dummodo id in Conventuum hujusmodi, & illorum Ecclesiarum utilitatem cedat, ac pretium inde redigendum in alia bona stabilia dictis Conventibus majoribus applicanda, & incorporanda omnino, & unico contextu convertantur, apostolica auctoritate, tenore

Concedit pro ut in rub.

Decretum irritans.

nore presentium licentiam, & facultatem impartimur. §.3. Decernentes, presentes Literas, & illarum vigore faciendas uniones, incorporationes, venditiones, permutationes, & alienationes hujusmodi, si, & postquam facte fuerint, validas, firmas, & efficaces existere, & fore, ac eisdem Conventibus in omnibus, & per omnia plenissime suffragari, sicque per quoscumque Judices ordinarios, & delegatos, etiam causarum Palatii Apostolici Auditores, judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrarius derogat.

§.4. Non obstantibus fel. rec. Pauli II., & aliorum Romanorum Pontificum predecessorum nostrorum, de rebus Ecclesie non alienandis, aliisque Constitutionibus, & ordinationibus Apostolicis, ac nostra de unionibus committendis ad partes, vocatis quorum interest, & Lateranensis Concilii novissime celebrati, uniones perpetuas, nisi in casibus a jure permittis fieri prohibentis, necnon Conventuum, & Ordinis predictorum, etiam juramento, confirmatione apostolica, vel alia quavis firmitate roboratis statutis, & consuetudinibus, privilegiis quoque, indultis, & Literis Apostolicis in contrarium premisorum quomodolibet concessis, confirmatis, & innovatis. Quibus omnibus, & singulis, eorum tenores presentibus pro plene, & sufficienter expressis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Dat. die 23. Junii 1633. An.X.

Datum Romae apud Sanctam Mariam Majorem, sub Annulo Piscatoris die 23. Junii 1633. Pontificatus Nostri anno X.

CDXXXV.

Regulares non possunt prohiberi associari corpora defunctorum, & Curati non possunt cogere haeredes defunctorum celebrari facere Missas in suis Ecclesiis Parochialibus.

Parochi non possunt cogere habentes sepulturam in Ecclesiis Fratrum Minorum Sancti Francisci de Observantia in Indiis sepeliri in Ecclesiis Parochialibus Urban. VIII. Constit. Alias fel. ut infra.

URBANUS PAPA VIII.

Ad futuram rei memoriam.

Decreta Sac. Congregationis Rituum.

§.1. Nuper pro parte dilectorum filiorum Procuratorum Generalium Ordinum Sancti Francisci, Sancti Augustini, & Beate Mariae de Monte Carmelo, Discalceatorum nuncupat. Nobis expositum fuit, quod alias a Venerabilibus Fratribus nostris Sanctae Romanae Ecclesiae Cardinalibus Sacris Ritibus praepo-

tis emanavit decretum tenoris subsequenti- bus, videlicet. Instantibus Procuratoribus Generalibus Ordinum Praedicatorum, Sancti Francisci, Sancti Augustini, & Discalceatorum Carmelitarum, declarari, Primo, an liceat Curatis, solutis eorum iuribus parochialibus, impedire contra voluntatem haeredum defunctorum, ne Regulares ad funus corpora defunctorum ad quasvis Ecclesias deferenda, una cum Parochis, & Clericis processionaliter associant. Et ad hoc Sacra Rituum Congregatio respondit, Regulares in casu proposito non posse impediri. Secundo, an praedicti Curati possint cogere haeredes, seu executores testamentarios, ut pro defunctis, qui tumulantur in Ecclesiis Regularium, in Ecclesiis etiam Parochialibus celebrari faciant officia novendialia, & Anniversaria, prout celebrantur in Ecclesiis Regularium, in quibus cadavera sepeliuntur. Et Sacra Rituum Congregatio respondit, non posse cogere. Die vigesimatercia Aprilis 1633.

Confirmamus.

§.2. Cum autem, sicut eadem expositio subjungebat, dicti exponentes Decretum praesertim apostolica nostra confirmationis robore communiti summopere desiderent: Nos illos specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutos fore censentes, supplicationibus illorum nomine Nobis super hoc humiliter porrectis inclinati, decretum praesertim apostolica auctoritate tenore praesentium approbamus, & confirmamus, illique inviolabilis apostolice firmitatis robur adiciamus, ac omnes, & singulos, tam juris, quam facti defectus, qui desuper quomodolibet intervenerint, supplemus.

Ita iudicari mandat.

§.3. Decernentes, Decretum praesertim, necnon Literas praesentes valida, firma, & efficacia existere, & fore, ac ab omnibus, ad quos spectat, & pro tempore spectabit, inviolabiliter observari: sicque per quoscumque Judices ordinarios, & delegatos, etiam causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate, scienter, vel ignoranter contigerit attentari.

Contrarius derogat.

§.4. Non obstantibus Constitutionibus, & Ordinationibus Apostolicis, ceterisque contrariis quibuscumque.

§.5. Volumus autem, quod praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis eadem prorsus fides adhibeatur, quae ipsis praesentibus adhiberetur, si forent exhibite, vel ostensa.

Dat. die 25. Junii 1633. An.X.

Datum Romae apud Sanctam Mariam Majorem, sub Annulo Piscatoris, die 25. Junii 1633. Pontificatus Nostri anno X.

Quod

CDXXXVI.

Quod Fratres S. Augustini Discalceati Hispaniarum, in Philippinis, & Occidentalibus Indiis degentes, a quovis Catholico Episcopo communionem Sedis Apostolicae habente, Minores, & Sacros Ordines, etiam non servatis interstitiis, suscipere possint.

De his Fratribus, vide sup. ad Const. Clem. VIII. Decet, tom.

URBANUS PAPA OCTAVUS.

Ad futuram rei memoriam.

Quia Fratres S. Augustini Discalcei, Hispaniarum, in Indiis Occidentibus degentes, non facile ad Episcopos pro suscipiendis Ordinibus accedere possunt.

§.1. Cum, sicut dilectus filius Procurator Generalis Fratrum Ordinis Eremitarum Sancti Augustini Discalceatorum nuncupatorum Hispaniarum, & Indiarum, Nobis nuper exponi fecit, Fratres praedicti in Philippinis, & Indiis Occidentalibus degentes, ob locorum hujusmodi ab Episcopis distantiam, non sine impensis, & magnis incommodis ipsos Episcopos pro Sacris Ordinibus suscipiendis saepius adire nequant; cupiatque propterea illis per Nos desuper, ut infra, opportune provideri.

Concedit ut a quovis Episcopo communionem Sedis Apostolicae habente ad Minores & sacros Ordines promoveeri possint, etiam non servatis interstitiis.

§.2. Nos Procuratorem, & Fratres praedictos specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutos fore censentes, supplicationibus ejusdem Procuratoris illorum nomine Nobis super hoc humiliter porrectis inclinati; De venerabilium Fratrum nostrorum Sanctae Romanae Ecclesiae Cardinalium negotio Propagandae Fidei praepositorum consilio, eisdem fratribus ut a quocumque, quem maluerint, catholico Antistite gratiam, & communionem Apostolicae Sedis habeant, in propria Dioecesi residente, vel in aliena de Dioecesi loci consensu Pontificalia exercent, per eos eligendo, ad quatuor Minores, quatuor feriatis, seu non feriatis, seu unica; & subinde ad Sacros Subdiaconatus, Diaconatus, & Presbyteratus Ordines tribus Dominicis, seu aliis festis diebus continuis, vel interpolatis, etiam extra tempora ad id a jure statuta, ac interstitiis a Sacro Concilio Tridentino designatis minime servatis, annique curriculo non excepto, etiam si in unoquoque ex dictis Sacris Ordinibus, antequam ad alium promoverentur, se non exercuerint; dummodo tamen ad id idonei reperiantur; promovendi, & promoti in illis etiam in Altaris ministerio ministrare libere, & licite valeant, auctoritate apostolica tenore praesentium concedimus, & indulgemus. Necnon Antistiti per eos eligendo hujusmodi

Ordines praedictos eis conferendi licentiam impartimur.

Obstantibus derogat.

§.3. Non obstantibus Constitutionibus, & Ordinationibus apostolicis, ac quatenus opus sit, dicti Ordinis, etiam juramento, confirmatione apostolica, vel alia quavis firmitate roboratis statutis, & consuetudinibus, ceterisque contrariis quibuscumque.

Datum die 9. Julii 1633. An.X.

Datum Romae apud S. Mariam Majorem sub annulo Piscatoris die 9. Julii 1633. Pontificatus Nostri anno X.

CDXXXVII.

De vacatione non expleto sexennio, & aliis casibus Ministri Generalis Fratrum Discalceatorum Ordinis Reformatorum, Sanctissimae Trinitatis Redemptionis Captivorum Hispaniarum.

Habes de hac Congregatione materiam plene signatam sup. ad hujusmet Pont. Const. Cum sicut.

URBANUS PAPA VIII.

Ad perpetuam rei memoriam.

I Njuncti Nobis per abundantiam divinae gratiae pastoralis officii ratio postulat, ut regularium Ordinum in Ecclesia Dei militantium prospero statui, felicitique directioni incumbentes, in his, per quos Ordines ipsi, illorum Superiorum quoquo modo occurrente vacatione, nullis valeant incommodis pergravari, paternis, & sollicitis studiis intendamus, prout conspiciamus in Domino salubriter expedire.

Exordium.

§.1. Eponi siquidem Nobis nuper fecit dilectus filius Joannes de Annuntiatione, Procurator Generalis Fratrum Discalceatorum nuncupatorum Ordinis Sanctissimae Trinitatis Redemptionis Captivorum Hispaniarum, quod in propria eorumdem Fratrum Regula a fel. rec. Innoc. Papa III. praedecessore nostro S. Patriarchis Joanni, & Felici dicti Ordinis fundatoribus tradita, & Nobis per nostras sub plumbo sub Datum Romae apud Sanctam Mariam Majorem anno Incarnat. Dominicae 1631. 7. Kal. Octobris expeditas Literas reformata, inter alia expresse disponitur, quod Capitulum Generale de triennio in triennium celebretur, ac electio Majoris, & Generalis Ministri de sexennio in sexennium in Capitulo Generali per secreta suffragia juxta Concilium Trident. fiat. Cum autem, sicut eadem expositio subjungebat, officium Ministri Generalis hujusmodi ex aliqua legitima causa, etiam ante finitum sexennium vacare possit, cupiatque propterea dictus Joannes per Nos desuper opportune provideri.

Causae hujus Constit.

§.2. Nos pro nostri muneris debito in praemissis consultum esse cupientes, ac Joannem, & Fratres praedictos specialibus favoribus, & gratis prosequi volentes, & a quibusvis

Provisio de qua in subric.

a quibusvis excommunicationis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existant, ad effectum presentium dumtaxat consequendum, harum serie absolventes, & absolutos fore censentes; supplicationibus dicti Joannis nomine Nobis super hoc humiliter porrectis inclinati, de venerabilium Fratrum nostrorum S. R. E. Cardinalium negotiis Regularium preceptorum consilio; Quod de cetero perpetuis futuris temporibus, si officium Ministri Generalis predicti antefinitum sexennium vacare contigerit, mortis, renunciationis, depositionis, aut alia quavis causa, statim primus Definitor Generalis convocet ceteros Definidores Generales, & Ministros Provinciales Provinciarum Hispaniae, & primo dicto Definitori Generali Praesidente, omnes simul canonicè eligant unum Vicarium Generalem, qui eandem auctoritatem, praerogativam, vocem, & locum, ac Minister Generalis predictus habeat, ejusque Vicarii Generalis hujusmodi officium duret usque ad finem primi subsequenti Capituli Generalis, in quo electionem Ministri Generalis fieri praecipimus.

In casu quo Minister Generalis ad Capitulum non accesserit.

§.3. Si congregato jam Capitulo Generali Minister Generalis agrotaverit, vel propter aliam causam ad Capitulum non accesserit; tunc totum Capitulum eligat Praesidentem Generalem in prima ejusdem Capituli sessione, qui in absentia Ministri Generalis eidem auctoritate, & praerogativis praesideat: cujus Praesidentis officium solum durabit usque ad finem ejusdem Capituli, quod nunc celebratur.

In morte Ministri Generalis congregato Capitulo.

§.4. Si congregato Capitulo Generali, etiam contigerit Ministrum Generalem e vita discedere; electio prius Praeside, ut dictum est, fiat electio Ministri Generalis in illo Capitulo, in quo hoc evenerit.

Ita observari, & judicari debere jubet.

§.5. Sicque, & non aliter ab ipsis Fratribus in praemissis perpetuo observari, & ita per quoscumque Judices ordinarios, & commissarios judicari, & definiri debere: ac irritum, & inane, si secus super his a quoquam quavis auctoritate scienter, vel ignoranter contigerit attentari, apostolica auctoritate tenore presentium statuimus, ac decernimus, & declaramus.

Contraria tollit.

§.6. Non obstantibus fel. rec. Pauli Papae V. praedecessoris nostri sub Dat. die 14. Augusti 1613., & quibusvis aliis constitutionibus, & ordinationibus apostolicis, ac quatenus opus sit, dicti Ordinis etiam jramento, confirmatione apostolica, vel alia quavis firmitate roboratis statutis, & constitutionibus, privilegiis quoque, indultis & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro sufficienter expressis habentes, hac vice dumtaxat specialiter, & expresse derogamus, ceterisque contrariis quibuscumque.

§.7. Volumus autem, quod praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis, eadem prorsus ubique fides in judicio, & extra adhibeatur, quae praesentibus ipsis adhiberetur, si forent exhibitae, vel ostensa.

Datum Romae apud S. Mariam Majorem sub Annulo Piscatoris, die 22. Augusti 1633. Pont. Nostri Anno XI.

Transumptis credi precipit.

Dat. die 22. Augusti 1633. An. XI.

C D X X X V I I I .

Declarat, per subsequutum Sedis Apostolicae beneplacitum impositionis cujusdam vestigialis Ecclesiasticis Regnorum Castellae, & Legionis in subsidium Regis Hispaniarum, & Romanorum Imperatoris, hujusmodi vestigialis exactorem ante factam, non fuisse confirmatam, nec licite illud exigi potuisse.

Ex Regest. in Secret. Brev.

U R B A N U S P A P A V I I I .

Ad futuram rei memoriam.

§.1. CUM aliis in Regnis Castellae, & Legionis imposita, & seu respective auctae essent gabella, seu sise ad summam decem, & novem millionum nummorum aureorum cum dimidio alterius millionis in totum ascenden, spatioque sex annorum a die prima mensis Augusti 1632. inchoatorum, trium scilicet millionum, & unius quarti alterius millionis hujusmodi pro quolibet anno solvenda, & exigenda super quatuor speciebus vini scilicet olei, aceti, & carnis in districtis Regnis colligendis, & consumendis, quodque ad solvendum easdem gabellas, seu sisas etiam Clerus, & persona ecclesiastica distorum Regnorum concurrunt, si, & postquam beneplacitum apostolicum, seu approbatio, & confirmatio nostra accessisset, ac summa decem, & novem millionum nummorum aureorum cum dimidio alterius millionis hujusmodi Charissimo in Christo filio Nostro Philippo Hispaniarum Regi Catholico persolvi deberet, cum decreto per Nos apposto, quod pecunia ex praedictis gabellis, seu sisis, ut praesertur, a districtis ecclesiasticis exigenda, in alios usus, quam catholicae religionis defensionis, ac bellorum contra haereticos, reliquosque catholicae fidei hostes, ac obedientiae erga S. R. E. conservationis, nullatenus; augmentum vero gabellae, seu sise hujusmodi, quod excedebat aliam concessionem a Nobis de anno 1629. factam non nisi in subventionem charissimi in Christo filii Nostri Ferdinandi Romanorum Regis in Imperatorem electi, & fidei catholicae in Germania defensionem converteretur, quae quidem conditio videlicet, si, & postquam beneplacitum apostolicum, seu approbatio, & confirmatio nostra respectu ecclesiasticorum accessisset, etiam si expresse ap-

Imposito vestigiali, de quo hic agitur, decretum fuit, ne ab Ecclesiasticis exigatur, nisi obsecro prius Sedis Apostolicae beneplacito.

se apposta non fuisset, de jure tamen juxta Sacrorum Canonum, & Conciliorum generalium, nec non Bullae in die coenae Domini legi solite dispositionem pro apposta haberetur, & intelligeretur.

Exaetores vero eas etiam ab Ecclesiasticis exigere praedicto beneplacito non obsecro.

§.2. Nihilominus, sicut non sine animi nostri dolore accepimus, quidam ipsarum gabellarum, seu sisarum exactores nulliter, & de facto illas ab Ecclesiasticis, & Ecclesiis ante beneplacitum, seu approbationem, & confirmationem nostras hujusmodi exigere tentaverint, & forsitan exegerint, easdem sententias, censuras, & poenas incurrendo.

Postmodum vero Pontifex suum concessit beneplacitum.

§.3. Nolite denique supplicante humiliter eodem Philippo Rege, ac etiam quia defensio fidei catholicae in partibus Germaniae maxime urgebat, earumdem gabellarum, seu sisarum impositionem, ad hoc, ut etiam personae ecclesiasticae ad illas solvendas concurrerent, approbaverimus, & ut illa a dicta die primo Augusti 1632. ab ecclesiasticis praedictis solverentur, ad sexennium tunc proximum decreverimus, prout in nostris deluper in simili forma Brevis expeditis Literis, quarum tenores praesentibus pro expressis, ac de verbo ad verbum insertis haberi volumus, plenius continetur.

Nunc vero declarat nullo modo approbationem hujusmodi exactorem;

§.4. Idecirco, ne ex beneplacito apostolico, seu approbatione, & confirmatione impositionis sisarum, seu gabellarum per exactores, & alios ab ecclesiasticis ante obtentum beneplacitum, seu approbationem, & confirmationem apostolicas exactarum, ullo modo praetendi possit, voluisse Nos, aut velle impositionem dictarum gabellarum, seu sisarum eo tempore, quo facta fuit, declarare, aut etiam tacite approbare, illam licitam fuisse, providere volentes; Motu proprio, & ex certa scientia, ac mera deliberatione nostris, deque apostolica potestatis plenitudine declaramus, & attestamus, propter emanatum beneplacitum, aut subsequatam postmodum earumdem gabellarum, seu sisarum impositionis approbationem, & confirmationem, Nos propterea nullo modo voluisse, nec velle declarare, minusque etiam tacite approbare, nec tolerare earumdem sisarum, seu gabellarum impositionem, illarumque exactorem, seu exactores contra personas ecclesiasticas, & Ecclesias, si quae antea factae fuerunt; quinimo illas uti ante obtentum nostrum, & Sedis Apostolicae beneplacitum, & sic eo tempore illicitae factae, ac de facto factae, illasque facere nemini unquam ante obtentum beneplacitum apostolicum absque sententiarum, censurarum, & poenarum a Sacris Canonibus, & Concilio generalium decretis, ac Constitutionibus Apostolicis inflictarum incursum licuisse, neque licere, sed talia perpetrantes in censuras, & poenas praedictas incidisse.

Exaetoresque in Canonicas poenas incurrite.

Clausulae quoque praesentium litterarum firmitate apponit.

§.5. Praesentes vero Literas, ac omnia, & singula in eis contenta, etiam ex eo, quod laici praedicti, seu Consilium Regium, aut alii quicumque cujuscumque qualitatis, status, gradus, dignitatis etiam laicalis, Bull. Rom. Tom. VI. Par. I.

& supremae, conditionisque, & praerogativae etiam speciali nota dignae in praemissis interesse habentes, seu habere praetendentes ad hoc vocati, citati, & auditi non fuerint, de subreptionis, vel obreptionis, seu nullitatis vitio, aut intentionis nostrae, vel alio quovis defectu notari, impugnari, redargui, vel retractari posse, sed easdem praesentes Literas, & in eis contenta hujusmodi valida, & efficacia esse, & fore, suosque plenarios, & integros effectus sortiri, & obtinere; sicque, & non aliter in praemissis omnibus per quoscumque Judices ordinarios, & delegatos, etiam causarum Palatii Apostolici Auditores, ac Sanctae Romanae Ecclesiae Cardinales etiam delatere Legatos, & Nuncios quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contraria tollit.

§.6. Non obstantibus quatenus opus sit Literis Nostri praedictis, ac Regula Nostra de Jurequesto non tollendo, aliisque Constitutionibus, & Ordinationibus, ceterisque contrariis quibuscumque, quorum tenores praesentibus pro sufficienter expressis, & insertis haberi volumus.

Dat. die 26. Octobris 1633. An. XI.

Datum in Arce Gandulphi sub annulo Piscatoris die 26. Octobris 1633. Pontificatus Nostri anno XI.

C D X X X I X .

Declarat nihil obesse, si quibus in Apostolicis Brevibus Pontificatus sui anni a Coronationis, non autem ab Assumptionis suae die computari reperiantur.

Ex Regest. in Secret. Brev.

U R B A N U S P A P A V I I I .

Ad futuram rei memoriam.

§.1. CUM, sicut accepimus, licet anni Pontificatus Nostri a die, qua ad Summi Apostolatus apicem, divina favente clementia, assumpti fuimus in quibusvis Literis Apostolicis, etiam in forma Brevis de mandato nostro computari debuerint, mandatumque, & voluntas nostra hujusmodi tam in Secretaria Nostra Brevium secretorum, quam Dataria, & Cancellaria executioni demandata fuerint, idem nihilominus in Secretaria Nostra Literarum in forma Brevis, qua Principibus scribuntur, sive ob non habitam voluntatis, & mandati nostrorum hujusmodi notitia, seu aliis inadvertebter servatum non fuerit, sed in ea anni Pontificatus Nostri a die Coronationis Nostrae numerati fuerint.

Pontifex mandaverat Pontificatus sui annos ab assumptionis die computari.

Sed cum in Secret. Brev. ad Principes computati fuerint a Coronationis die;

§.2. Nos ne ex praemissis dubium aliquod circa eorumdem annorum computationem, seu alias, aut equivocationi oriri contingat, mandamus dilecto filio Francisco Herrera earumdem Literarum, quae Principibus

Praeceptis ab Assumptionis die impositionum computari.

Z z pibus

...pibus scribuntur, Secretario, ut de cetero annos Pontificatus Nostri non a die Coronationis, sed a die Assumptionis Nostrae ad eundem Pontificatum numeret, utque voluntatis nostrae hujusmodi memoria perduret, volumus, ut praesentium transumptum manu dilecti pariter filii Magistri Marci Aurelii Maraldi Praelati, ac Secretarii Domestici Nostri eorundem Brevium secretorum subscriptum in Secretaria dictarum Literarum, quae Principibus scribuntur, retineatur, & perpetuo aservetur. In contrarium facientibus non obstantibus quibuscumque.

Datum Romae apud Sanctum Petrum sub Annulo Piscatoris die 15. Decembris 1633. Pontificatus Nostri anno XI.

CDXL.

Statutum circa Causarum Criminalium in Regno Poloniae cognitionem.

URBANUS PAPA VIII.

Ad futuram rei memoriam.

Proemium.

Singularia, atque eximia Charissimi in Christo filii nostri Vladislai Poloniae, & Sveciae Regis Illustris in Nos, & hanc Sanctam Sedem fidei, & divotionis merita, ac praecipuus, quo eundem Vladislau Regem complectimur, paternae charitatis affectus promerentur, ut quae ad prosperum, felicemque Christianissimum in Regno Poloniae existentium statum, & quietem pertinere dignoscantur, quantum cum Domino possumus, favorabiliter concedamus.

Gratus appellacione in causis criminalibus designat.

§.1. Supplicationibus itaque dilecti filii Nobilis Viri Georgii Ossolinski Comitis de Tenchin ejusdem Vladislai Regis Nobis super hoc humiliter porrectis inclinati; Quod de cetero in praefato Regno Poloniae Causae Criminales in prima Instantia cognoscantur ab Ordinariis locorum, in secunda a Metropolitanis, in tertia a dilecto filio moderno, & pro tempore existente in dicto Regno Poloniae Nuntio, in reliquis instantiis, etiam restitutionis in integrum, & in secunda instantia, quando Metropolitanus uti Ordinarius in prima Instantia cognoscit, committentur causae appellacionum nullitatum per Signaturam Justitiae infra certum tempus, & in partibus alicui ex Episcopis, vel suffraganeis in eodem Regno pro tempore existentibus, quos omnes pro hujusmodi Causis Criminalibus cognoscendis, & terminandis habilitamus, apostolica auctoritate tenore praesentium concedimus, & indulgemus.

Clausula.

§.2. Decernentes praesentes Literas validas, firmas, & efficaces existere, & fore, suosque plenarios, & integros effectus sortiri, & obtinere, ac ab omnibus, & singulis, ad quos spectat, & pro tempore spectabit, inviolabiliter observari, irritumque, & inane, quidquid fecus super his a quocumque auctoritate scienter, vel ignoranter contigerit attentari.

§.3. Non obstantibus quibuscumque Constitutionibus, & ordinationibus apostolicis, ac quarumcumque Ecclesiarum etiam juramento, confirmatione apostolica, vel quavis firmitate auctoritate roboratis statutis, & consuetudinibus, privilegiis quoque, Indultis, & Literis apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes; illis aliis in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctum Petrum sub annulo Piscatoris die 5. Januarii 1634. Pontificatus Nostri anno XI.

Dat. die 5. Januarii 1634. An. XI.

CDXLI.

Feria quinta 15. Decembris 1633. in Generali Congregatione Sanctae Romanae, & Universalis Inquisitionis habita in Palatio Apostolico coram Sanctissimo Domino Nostro Urbano divina providentia Papa VIII. ac Eminentissimis, & Reverendissimis Dominis Sanctae Romanae Ecclesiae Cardinalibus adversus haereticam pravitatem Inquisitionibus Generalibus a Sancta Sede Apostolica specialiter deputatis.

DECRETUM.

Ut omnes Regularium Superiores suos subditos, & Religiosos persae commoneant de injuncta omnibus observantia, & executione Apostolicarum Constitutionum, & Decretorum ad Officium Sanctissimae Inquisitionis adversus haereticam pravitatem pertinentiam.

Sanctissimus Dominus Noster sedulo incumbens, ut ea, quae salubriter Apostolicis Decretis, & Constitutionibus statuta, & ordinata sunt, praesertim, quae ad Sanctum Officium Inquisitionis contra haereticam pravitatem pertinent, inviolabiliter observentur, & omnimodam fortiantur executionem, districte mandat, & praecipit: Ut omnes Superiores cujusvis Ordinis, Congregationis, Societatis, etiam de necessitate exprimenda, Regularis, aut cujusvis alterius instituti, etiam quantumvis exempti, & privilegiati, etiam per amplissima privilegia, cum clausulis, ne comprehendantur in Literis, Decretis, Ordinationibus, & Constitutionibus apostolicis non facientibus plenam, & expressam, ac de verbo ad verbum, nedum de ipsis Ordinibus, Congregationibus, Societatibus, & Institutis, sed etiam de hujusmodi exemptione, privilegio, vel indulto mentionem, quibus hac vice, & ad effectum praesentis decreti dumtaxat consequendum, illis aliis in suo robore permanentibus, specialiter, & expresse,

se, & ad formam etiam generalis Constitutionis Suae Sanctitatis incipiens: Cum scis accepimus, sub dat. Romae die 5. Novembris 1631. Sanctitas Sua derogavit, & derogat, ceterisque contrariis quibuscumque, teneantur sub poena privationis officii, ac vocis activae, & passivae ipso facto incurrenda, aliisque arbitrio Sanctitatis Suae infligendis poenis, in perpetuum, semel saltem in anno, idest feria sexta post octavam Assumptionis Beatae Mariae Virginis, in publica mensa, vel in Capitulo ad hoc specialiter convocato, & insuper in quocumque generali, ac Provinciali Capitulo, Conventu, dieta, vel alio quovis nomine nuncupato Capitulari congressu, suos subditos, ac Religiosos commoneat de injuncta omnibus observantia, & executione earundem Apostolicarum Constitutionum, & Decretorum, ad Sanctum Officium Inquisitionis adversus haereticam pravitatem pertinentium, ac praesertim.

Julii III. Constitutio, quae incipit: Licet a diversis. Contra impediens Inquisitores haereticae pravitatis in eorum Officio, aut in causis Inquisitionis se ingerentes, eorumque complices, & fautores. Et contra ipsos Inquisitores admittentes laicos ad criminis haereticis cognitionem. Et Pii Quinti Constitutio, quae incipit: Si de protegendis. Contra occidentes, verberantes, deicientes, aut perterrefacientes quemvis ex Ministris Sanctissimi Officii Inquisitionis, vel Episcoporum id munus in sua Dioecesi, vel Provincia obeuntium, seu accusatorem, denunciatorem, aut testem, in causa fidei quomodocumque productum, vel evocatum: necnon contra diripientes, expugnantes, invadentes, incidentes, expilantes, aliove exportantes alicujus praedictorum bona, libros, literas, auctoritates, exemplaria, regestras, protocolla, exempla, scripturas, aliave instrumenta, sive publica, sive privata, ubicumque posita, eorumque complices, & fautores: & contra effragantes carcerem, vel custodiam publicam, vel privatam, extrahentes, vel emittentes vinculum, prohibentes capiendam, captumve eripientes, recipientes, occultantes, seu facultatem effugiendi dantes, seu id fieri jubentes, eorumque complices, & fautores, etiam effectu non sequuto, nullatenus excusandos, nisi claras tantummodo probationes in contrarium adducentes: & contra intercedentes pro praefatis delinquentibus, in iustis contra quemlibet praedictorum poenis, quae damnatis ex primo capite legis Juliae Majestatis, eorumque filii irrogantur, & oblata revelantibus impunitate.

Pii IV. Constitutio, quae incipit: Cum sicut nuper. Contra Sacerdotes, qui poenitentes mulieres in actu Sacramentalis Confessionis ad inhonestos actus provocare, & allicere tentant, & sollicitant. Et Gregor. XV. Constitutio, quae incipit: Univeris Dominici regis, ampliative circa hujus criminis probationes, & extensiva contra Confessarios, qui personas (quocumque illae sint) ad inhonestas, sive inter se, sive cum aliis, quomodolibet perpetranda in actu Sacramentalis Confessionis, sive ante, sive post immediate, seu occasione, vel praetextu Confessionis, vel extra occasionem Confessionis in Confessionario, aut alio loco ad audiendam Confessionem electo sollicitare, vel provocare tentaverint, aut cum eis illicitos, & inhonestos sermones, sive tractatus habuerint. Et contra Confessarios non monentes eos, quos sciunt ab aliis Confessariis sollicitatos esse, ut Inquisitoribus, vel Ordinariis sollicitantes denuncient, vel docentes eos ad denunciandum non teneri.

Gregorii XIII. Constitutio, quae incipit: Officii nostri partes. De Jurisdictione Inquisitorum haereticae pravitatis in eos, qui ad ordinem Presbyteratus non promoti Missas celebrant, & sacramentaliter Confessiones audiunt. Clementis VIII. Constitutio, quae incipit: Et si alias, declaratoria poenae contra eos infligenda per Judices laicos, praevia eorum degradatione. Et Sanctitatis Suae Constitutio, quae incipit: Apostolatus officium. Extensiva ad minores 25. annis, dummodo vigesimum aetatis annum compleverint.

Sixti V. Constitutio, quae incipit: Caeli, & Terra creator. Contra exercentes artem Astrologiae judicariae, & alia quaecumque divinationum genera, librove harum artium legentes, vel tenentes. Et Sanctitatis Suae Constitutio, quae incipit: Insuperabilis Judiciorum Dei. Extensiva ad alia, & cum gravioribus poenis.

Clementis VIII. Constitutio, quae incipit: Cum sicut. Contra Italos, ne extra Italiam proficiscantur ad loca, in quibus Liber, & publicus cultus, sive usus Catholicae Religionis non existat, minusque eis in locis habitent. Et Gregor. XV. Constitutio, quae incipit: Romani Pontificis. Contra haereticos, ne in locis Italiae, & insularum adjacentium quovis praetextu commorentur, & contra eorum fautores, & receptatores.

Pauli V. Constitutio, quae incipit: Romanus Pontifex. Revocatoriae facultatum Superioribus quorumcumque Ordinum, & Religiosorum quoquo modo concessarum, cognoscendi causas suorum subditorum ad Officium S. Inquis. quomodolibet pertinentes.

Ejusdem Constitutio, quae incipit: Regis pacifici. Innovatoriae Constitutionum a Sixto Quarto, & Pio Quinto de Conceptione B. M. V. editarum: impositionis majorum poenarum in transgressores, a locorum Ordinariis, & haereticae pravitatis Inquisitoribus puniendos. Et Gregor. XV. Constitutio, quae incipit: Sanctissimus Dominus Noster, auditis. Ampliative, & declaratoria prohibitionis asserendi B. Mariam Virginem conceptam in peccato originali.

Gregorii XV. Constitutio, quae incipit: Romanus Pontifex, in specula. Revocatoriae quarumcumque confessionum viva vocis oraculo factarum. Et Sanctitatis Suae Const. extensiva ad quoscumque, quantumvis privilegiatos, & exemptos, quae incipit: Alias felicis recordationis Gregorius XV. sub dat. Romae 20. Decembris 1631.

Ejusdem Constitutio, quae incipit: Bull. Rom. Tom. VI. Par. I. Z z z Apo.

Apostolatus officium. Et Sanctitatis Suae Constitutio, quae incipit eo modo, revocatoria licentiarum quarumcumque legendi, & habendi libros prohibitos.

Sanctitatis Suae Constitutio, quae incipit: Sanctissimus Dominus Noster sollicitus animadvertens. De Imaginibus nondum a Sede Apostolica Canonizatorum, vel Beatorum, cum Radiis, Splendoribus, aut Laureolis non proponendis, Tabellis, aut Luminaribus ad eorum sepulchra non apponendis, eorumve gestis, miraculis, revelationibus, & beneficiorum impetrationibus non publicandis, aut imprimendis.

Pariter Sanctitatis Suae Constitutio, quae incipit: Sanctissimus Dominus noster pro debito sui pastoralis officii. De libris ubicumque compositis, de quacumque materia tractantibus, ab his, qui degunt in Statu Ecclesiastico, non transmittendis alio, ut imprimantur, sine Vicariis, & Magistris S. Palatii in Urbe, vel extra eam sine Ordinariis, & Inquisitoris, aut ab eis deputatorum licentia.

Et ejusdem Sanctitatis Suae Constitutio sub dat. Romae die 5. Novem. 1631. quae incipit: Cum sicut accepimus. Quod Constitutiones Apostolicae in concernentibus Fidem Catholicam, & S. Inquisitionis Officium haecenus editae, & imposterum, etiam super quacumque alia re edenda, omnes Regulares quomodolibet privilegiatos comprehendant, nisi in edendis illis specialiter excipiantur.

Et insuper iidem Superiores teneantur curare, & efficere, ut hujus Decreti exempla aliquo in loco apud eos publico affigantur, & affixa conserventur, itaut ab eisdem subditis Religiosis omnibus videri, ac legi commode queant. De qua hujusmodi communitioe publico documento statim certiorum facere Congregationem Sanctissimae Inquisitionis in Urbe. Et nihilominus voluit, ut Decretum hujusmodi, seu illius exemplum, intimatum Procuratori Generali cujuscumque Ordinis, Congregationis, Societatis, & Instituti, ut supra, in Urbe degenti, vel ad valvas Basilicarum S. Joannis Lateranensis, & Principis Apostolorum Urbis, & in acie Campi Florae affixum, etiam absque intimatione praedicta, infra duos citra Montes, ultra vero Montes infra quatuor menses ex tunc proximos omnes, & singulos eorumdem Ordinis, Congregationis, Societatis, & Instituti Religiosos perinde arctet, & afficiat, ac si communitio, & affixio praedicta exequuta essent, & unicuique hoc ipsum Decretum exhibitum, ac personaliter intimatum foret. Et ita mandat, & praecipit Sanctitas Sua.

Jo. Antonius Thomastus S. Romanae, & Universalis Inquisitionis Notar.

Anno millesimo sexcentesimo trigesimo quarto, indictione secunda, Pontificatus Sanctissimi Domini Nostri Domini Urbani Divina Providentia Papae Octavi Anno Decimo primo, die vero quinta Januarii fu-

prae dictae Literae, sive Decretum affixum, & publicatum fuit ad valvas Basilicarum Sancti Joannis Lateranensis, & Principis Apostolorum Urbis, ac in acie Campi Florae, ut moris est, per me Antonium Bardum praebatam Sanctissimi Domini Nostri Papae Cursorem.

CDXLII.

Declaratio nonnullorum Statutorum pro Congregationibus Tusciae, & Lombardiae Monachorum Ordinis Cisterciensis emanatorum.

Horum Statutorum confirmationem habes in Constit. hujus Pont. In Sede, ut supra.

URBANUS PAPA VIII.

Ad perpetuam rei memoriam.

Alias a Nobis emanant literae tenoris subsequentes, videlicet. Urbanus Papa VIII. Ad perpetuam rei memoriam. In Sede Principis Apostolorum, nullis licet nostris suffragantibus meritis, divina providentia constituti, inter multiplices pastoralis officii curas, ad ea, per quo regularis disciplinae observantia in quibuslibet Ordinibus, & Congregationibus conservetur, majoraque in dies suscipiat incrementa, sollicitudinis nostrae partes sedulo intendimus, & in iis, quae propterea pie, & provide statuta sunt, apostolicae confirmationis robur libenter adjuvamus, prout conspicimus in Domino salubriter expedire. Cum itaque, sicut accepimus, pro felici, prosperoque dilectorum filiorum Monachorum Cisterciensium Ordinis Congregationum Lombardiae, & Tusciae insimul unitarum statu, & reformatione in eis introducenda nonnullae Constitutiones, & statuta edita, & a dilecto filio nostro Roberto tituli Sancti Alexii Presbytero Cardinali Ubaldino nuncupato, ejusdem Ordinis apud Nos, & Apostolicam Sedem Protectore, ac duobus aliis Romanae Curiae Praelatis pietate, doctrina, & religionis zelo praestantibus, auditis etiam, & consultis dilectis filiis Praeside, Procuratoribus, & duobus ex antiquioribus Abbatibus dictarum Congregationum, de mandato nostro visa, & examinata fuerint, tenoris subsequentes, videlicet. Praelati omnes quorumcumque Monasteriorum residentiam requirentium debeant omnino in eis personaliter residere, nec ullo praetextu possint ab eis abesse ultra tempus praescriptum a Constitutione edita a Capitulo anni 1616. videlicet ultra viginti dies continuos. Praelatus, qui ultra praedictum tempus, vel in totius anni cursu ultra quadraginta dies, continuus, & discontinuus computatis, sine licentia Regiminis ex legitima causa in licentia exprimenta, & in actis redigenda abfuerit a suo Monasterio, graviter puniatur,

Alia ab hoc Pont. emanavit Constit. super reform. & confirm. nonnullorum stat. tuorum.

Cujus tenor hic referetur.

De Praelator. residentia suis in Monasteriis.

De Communione peculio.

tur, etiam privatione vocis activae, & passivae, quin etiam ipsi Patres Regiminis, si absque legitima causa hujusmodi licentiam concesserint, gravi poena pro arbitrio Definitorii afficiantur.

Secundo. Universae pecuniae communes ad singulas Provincias pertinentes habeantur repositae, & custoditae in Capla triclavi, quae retineatur clausa tribus clavibus, quarum una remanere debeat penes caput Regiminis, altera penes Visitatorem majorem, tertia penes Capserium, quo munere fungi debeat unus ex Abbatibus titularibus, qui pro Provincia Lombardiae teneatur residere in Monasterio sancti Ambrosii, usque eligi debeat per Capitulum, & interim usque ad ejus celebrationem providebit illustrissimus Protector, dictusque Capserius retineat libros introitus, & exitus, in quibus omnia distincte, & ordinate adnotata appareant, nec aliquid omnino erogare, aut solvere possit alicui personae, absque mandato Regiminis in scriptis: si sine praedicto mandato quicquam erogaverit, aut solverit, privationem praeturae incurrat. Supradicta autem computata, & mandata omnia singulis triennii ante Capitulum diligenter revideri debeant pro Provincia Lombardiae per Abbatem sancti Stephani de Cornu, & Aquae frigidae, & pro Provincia Tusciae a duobus Praelatis, qui non sint de Regimine, deputandis per Capitulum, qui accuratam, & plenam relationem praedictorum omnium teneantur facere in capitulo.

Tertio. Tempore pro Constitutiones ad eligendos discretos deputatos nullus Abbatum accedat ad aliena Monasteria, sed unusquisque in suo se Monasterio contineat: qui secus fecerit, voce activa in Capitulo careat.

De discretis.

Quarto. Electi in discretos ad alia Monasteria se minime transferant, sed in Monasterio, in quo degunt, expectent discessum sui Abbatis, cum quo recta accedat ad Capitulum: si secus fecerint, voce in Capitulo careant; interim vero se informant de statu Monasterii, de quo interrogentur diligenter in Capitulo: & casu quo non reperiantur diligenter informati, sint inhabiles in futurum, ad hoc, ut possint eligi in discretos.

De dato, & acceptis.

Quinto. In virtute sanctae obedientiae praecipimus tam discretis, ne quid omnino ab aliquo accipiant etiam sponte dare volenti, quam omnibus, & singulis Religiosis, ne quid eis dare audeant: quod si delictum hujusmodi quis commiserit, & fuerit sufficienter probatum tunc, tam dans, quam accipiens privationem omnium dignitatum, & officiorum incurrant, necnon inhabilitatem ad eadem, vel alia in perpetuum.

De inventario rectum, & qualisque Monachus habet, conficiendo.

Sexto. Sicut ex praescripto Constitutionum tenentur subditi singulis annis tradere Praelatis inventaria rerum omnium, quas habent penes se, & contrafacientes inter proprietarios censentur, & poenis proprietariorum in utroque foro subjacent; ita-

in posterum Abbates, & Praelati omnes tempore Visitationis, ipsi autem Praeses, & Visitatores tempore Capituli sub iisdem poenis ipso facto incurrendis teneantur conficere inventaria, in quibus cujuscumque generis res omnino, pecuniae, & bona, quae habent, quam diligentissime praescripta sint, eaque Abbates, & Praelati supradicti Praesidi, & Visitatoribus; Praeses autem, & Visitatores Definitoribus tradere, teneantur reponenda, & conservanda in Capla Triclavi: supradicti Visitatores autem, & Definitores in hac re, juxta praescriptum Sacri Concilii Tridentini, curare debebunt, ut unuscujusque Religiosi simplex statui paupertatis, quam professi sunt, conveniat, nihilque superflui in ea sit, nihil etiam, quod necessarium sit, eis denegetur.

Septimo. Visitatio Provinciarum, ut serio, & diligenter habeatur, debeant omnino Praeses, & Visitatores omnia, & singula Monasteria personaliter per se ipsos visitare, & in unoquoque per tantum tempus permanere, quantum necessarium erit ad visitationem plene, & accurate perficiendam; ideoque visitationibus peragendis deputentur Menses Aprilis, Maji, & Junii, non obstante dispositione Constitutionum in hac parte. Visitatores autem utantur communi mensa, & frugali victu sint contenti, idemque servetur in Comitibus. Praecipitur vero in virtute sanctae obedientiae, ut tam ipsi Praeses, & Visitatores, quam eorum conversi, & famuli nihil omnino percipiant a visitatis etiam sponte dare volentibus: quod si Praesidem, seu Visitatores quidem accepisse, aut a conversis, & famulis ipsis sancti entibus acceptum fuisse probatum fuerit, inhabiles sint in perpetuum ad Praesidentatus, & Visitationis officia; & nihilominus conversi, qui acceperint, graviter puniantur, & famuli absque spe redditus a servitio statim eiciantur.

De Visitationibus Provinciarum, & Monasteriorum.

Octavo. Abbas, Prior, & Revisores computorum teneantur singulis mensibus revidere computa, tam Cellerarii, quam aliorum omnium ministrorum, qui substantiam Monasterii administrant; singuli autem eorum adnotent in particulari schedula omnia supradicta computa, distamque schedulam penes se custodiant, & tempore Capituli consignent Discreto, ut deferat ad Capitulum. Quod si Abbas facere neglexerit, de mala administratione suspectus censetur, itaut adversus eum procedi possit.

Cellerarii, & Ministrorum computa singulis mensibus examinandis.

Nono. Conversi deputari non possint ad administrationes extra Monasteria ad officium Subcellerariatus, aut ad servitia particularia Abbatum: nisi post quintum professionis annum completum: qui secus aliquem deputaverit, voce activa in proximo capitulo careat.

De Conversis.

Decimo. Nemini Monachorum, sed praesertim junioribus non sacerdotibus ullo modo detur licentia permanendi recreationis gratia in loco, in quo sit eis pernoctandum extra Monasteria, vel loca Monasteriorum.

Extra Monasteriorum non pernoctandum.